

صاحب امتیاز و مدیر مسئولی
حسن کاظم

غزیه ضریح مسلکته موافق
اوراق قبول و درج اولنور

درج ایدلیان اوراق اعاده
اولنواز

اعانات و سائرہ ایچون
اداره یہ مراجعت
ایدملیدر

چراغ افروز

رہبر شریعت محمدیہ ، کافل حقوق عثمانیہ ، خادم ملت اسلامیہ در

شمذیلک منتظماً جمعه کونلری نشر اولنور

نسخه سی ۱۰ پاره در

نومرو ۴

سر محرری : علی فواد

آبونه سی سنه لک اعتباریلہ
ممالک عثمانیہ ایچون ۲۵
وممالک اجنبیہ ایچون ۳۵
غروشدر .

محل اداره : ترجمان حقیقت
مطبعه سی

کونی یکمیش نسخه لری بکری
پاره در

زیرا جمیع اشیای اوصاف و احکامیه خلق بیوردی
بزی بزم عملی میزی، یک ایچمک اوطور مق،
قالقمق خیر، شر، کفر ایمان طاعت عصیان
والحاصل بالجملة امور ذاتیه و عارضیه لری می خالق
اولدینی (والله خلقکم...) وینه بر مقامده
(خالق کل...) دیگر مقامده (قل کل من...)
آیت جلیله لریه بیان بیورمشدر.

رئیس معتزله (واصل بن عطا) در افعال
عبادی قدرت لریه اسناد ایدوب قدری انکار
ایتدکاری ایچون قدریه ایله ملقب اولدیلر و آنلر که
قدری اثبات ایتدیلر. خیر و شر قدر ایله در.
دینلر که اهل سنتدر بواسطه ملقب اولغه بزدن
احق قدر دیدیلر. مثقی نسبت، نافیدن انسیب
والیقدر دیرلر و بولفظی منته حل ایتمکی حضرت
پیامبر صلی الله علیه وسلم (القدریه محبوس...)
قولی رد ایلر. زیرا محبوسده مشهور اولان ایکی
خالق اثباتیدر و قدری نفی ایتدیلر آنلر ایله
بوحقننده مشارکت لری وارددر. رئیس معتزله اولان
واصل بن عطاء سبب اعتزالی شونیدن عبارتدر.
برکون حسن بصری حضرت لرینسک حضورینه
برکیمسه کلوب، دیدی که ای دینک امامی زمانزده
برجماعت ظاهر اولدیکه اهل کیره بی ا کفار ایدرلر
و بر جماعت دخی ظاهر اولدیکه کفر ایله طاعت
تفع و بر مذیکی کبی ایمان ایله معصیتده ضرور و بر
بوکا نصل اعتقاد ایتمک لازمدر. حسن بصری
برحه الله تفکر ایتدیکی ضره ده واصل بن عطا
جوابه باشلا یوب کیره صاحبی مطلق مؤمندر.
مطلق کافر در دیمه. بلکه او کفر ایله ایمان
آراسنده بر منزله در دیدکدن سکرمه مجلسدن قالقوب
مسجدک دیرکلرندن برینه اعتزال ایتدی و جواب
ویردیکی شی حسن بصرنسک جماعتدن برینه تفهیمه
باشلا دی اول حضرت (قداعتزل عنا واصل)
دیدی بوکروه صفات خدایی انکار ایدوب ذاتندن
غیری قدیم بو قدر دیرلر قدری نفی ایدرلر کفر
ایله ایمان آراسنده بر منزله اثبات ایتمک کبی آرای باطله ده
بولنوزلر بونلرک مذهب عاطلرندن ممکن اولدینی
قدر خذر ایدلیدر. و قدما معتزله قول موجد
مخترع دیرلر ایدی. اما خالق دیمکه اجسار ایتمز
ایدی. قوم معتزله دن جبائی جمله سنک معناسی
بر اولدینی تیقن ایدرک قولک اوزرینه لفظ خالق
اطلاقه تجاسر ایتدی.

(ایضاح مقام)

بوز قرآن باز خوان تفسیر بیت

گفت ایزد مار میت

که پیرانم نه زماست

ماکان و تیراندازش خداست (مولانا)

سوره انفالده اولان (مار میت...) الخ
آیه جلیله سندن مقتبسدر. و قنا که خلاصه موجو
ذات و عنده کائنات اولان حضرت. قال الله خالیه
مخفف و متخلق اولدیلر سه جناب عزت فعل رمی

(اذمیت) بیورمقله ذات پیغمبری به اسناد،
مار میت کله سیله ذات محمدیدن نفی بیوروب و لکن
الله رمی قولیه ذات جلیله لریه اسناد بیوردینی
و مصدر حقیقی افعال، ذات الهیسی اولدینی قوم
معتزله آکلایه مدیلر. بو صورتده رمی حقیقتده
حقدر و حضرت نبی علیه السلام آکا آتدر.
ننه کیم بیت ثانی بو معنایی مفسردر. بز سهام
اقوال و افعال قوس وجود مزدن رمی ایلسه که
فی الحقیقه رمی بزدن دکدر. بز دست تصرف
حقده کان کبی بز و بوکانک تیراندازی رمی حقیقی
اولان خداددر. بوندن شائبه جبر توهم اولنسون.
اگر انتشارینه موفق اوله یلور ایسه ایلورده جبری
حقیقتیه ایضاح ایدمکچر. قوم معتزله اول ذات
بیچون و بی نظیره خالقیتده ناقابل تعداد شریک
اتحاد ایدوب بلا ایجاب واضطرار عبدک قوت
و قدر تیدر دیرک هجته دوزخه خطوه اندز اولدیلر
آیا صوفیه جامع شریفی طلبه علومندن

علی فؤاد

معرفه الله تعالی

حقیقت مقدسه سبحانیه بی کینه ذاتیه تصور
و عرفان خارج دائره امکاندر. معرفت بشردن مقصد
بالکبر صفات ثبوتیه بی وصفات سلویه بی عقل
و طاقتک ایزدیکی درجه ده ادراکدر. کینه ذاتیسی
ادراک عندالمحققین ممنوعدر. امام غزالی حضرت لری
حجة الاسلامده، و استاد محترمی امام الحرمین ایله صوفیه
محققین و فلاسفه کینه الیهیدن بر دلیله مطلع اوله مدیلر
یعنی بحث معرفتده بر مقدمه بسط و تمهید ایتدیلر
بالکبر فلاسفه دن بولتان ارسطو بر مقدمه معقوله
سرد ایلدی. اوده شونیدن عبارتدر. بصر جرم
شمسی رؤیت ایتدیکی زمانده ظلمت و کدورت تمام
ابصاردن رائی بی منع ایدر. عقل دخی ذات اجل
اعلانک اکنتاهنی مراد ایتدیکه حیرت و دهشت
آنی کینه الیه بی ادراکدن منع ایدر.

عقل حقنده تفصیلات آلتی ایستیانلر عقل
تدرسر لوحه سی تحتده یازه جغمز مقاله بی اوقوسونلر
عقل و طائف عبودیتی ایضا ایتمک ایچون اولوب
سرأر ربوبیتی ادراک ایچون دکدر.

حقیقت پروردکار بدیهی دکدر، رسم کنهی
افاده ایتمز. حد دخی تمتعدر (ولا یحیطون...) (بعض
برهان باهر البانی دخی بونی ایضاح ایدیور. بعض
ذوات سنیه بداهتک تحصیلنه ذاهب اولمشلر ایسه ده
بر طاقم شرائطه تقید ایتمشلردر. شرع جلیل
محمديه ایله تهذیب نفس شریعت غرای احمدیه ایله
نفسک کدورات بشریه دن عوایق جسمانیه دن تجردینه
وابسته در دیمشلردر. حقیقت پروردکار و حقایق
ممکناته بحسب الذات مخالفدر و مخالفت واقعه فرقه
محمديه نك عقایدی بیان ایتدیکم صروده سوله دیکم
وجهله محاسنست و نمائندن بری اولدینی ایچون
کینه ذاتیسی تعریف و ادراک ممکن دکدر. تعریفات

رسمیه که صفاتیاتیه دیمکدر. بوده افاده حقیقتده
نا کافیدر بو صورتده که ذاتی معرفت عقول خلا.
ثقک وسع طاقتی خارجنده در. لکن تصفیة قلب
عنایت رب ایله اصحاب قلوب قدسیه معرفت کامله
حصولی محال دکدر. انسان ماهیت ذاتیه سی
عقل و احاطه دن عاجز اولور سه جناب جهان آفرینک
کینه ذاتیسی نه وجهله ادراک ایده یلور. امام اعظم
حضرت لری فقه اکبر نام کتابنده (بز خالق کائناتی
قرآن کریمده توصیف و تعریف بیوردینی کبی جمیع
اوصاف سنیه و اسماء علیه سیله بیلدیکمز تقدیرده حق
معرفت ایله یلورز) سوله دیکم سوزلری براز تدقیق
ایتدکدن سکرمه عدم حصولی حقنده مظهر خطاب
جلیل لولاک، وسیله تکوین زمین و افلاک، حضرت
پیغمبر بیورر (سبحانک ما عرفناک...) دیگر
مقامده (تفکروا...) مأل جلیلی حضرت مولای
متعالک بی نهایه نعمت لری دوشو یوب کینه ذاتی
دوشو نمیکر چونکه سز اسرار الیه بی کشف
وعظمت ربانیه بی تقدیر و احاطه ایده مزسکر.

وقال الصديق رضي الله عنه (العجز عن درك
الادراك ادراك) ماهیت ادراکدن عجز عین ادراکدر
وقال علی کرم الله وجهه

(العجز عن درك الادراك ادراك)

(والبحث عن سر ذات الله اشراك)

مأل شریفی ادراک حقیقتدن عجز بی بیلیمک
جناب الیه بیلمکده کافیدر. سر ذاتدن بحث ایلمک
شرکدر.

شرعاً و جوبندن مقصد (فانظر الی آثار...)
آیت جلیله سیله (ویل لمن لا کما...) حدیث
شریفیدر. بو مقام مقدسه بی نظر عمیق و فکر دقیق
ایله تدقیق ایدیکز غایت مخوف و مخاطره لیدر.

مابعدی وار

معارف مکتوبی قلمی خلفاسندن

علی فؤاد

عقائد خاطره سی

«اوپنجی نسخه مزندن مابعد»

حضور خاطر اکر در نماز شرط شدست

عبادت همه روی زمین قضا دارد

نمازده حضور قلب شرط ایسه یر یوزنده

قلنان نمازلر قضا ایدلیدر. بعض نمازده روح

مصلی ذروه حقیقتده، اعلا علینده طأروسأردر

هر نه قدر او کوردیکمز وجود مصلی مسجدده

ایسه ده بو صورتده ادا ایدیلان طاعات عدیده

مستتاددر. ننه کیم حضرت علی کرم الله وجهه و رضی

الله عنه ایتدیمزک هنگام ایفای صلوتده وجود

سینه لرندن بالکلیه فراغت بیوردقلری ایلورده

صره سیله بر تفصیل بیان ایده جکر.

صفت قلب، حسن نیت اولینجه مصلینک

روحی خورشید درخشان توحیددن افاضه نوردن

محروم شیریه کبی ظلمتده قالور.